

Տիեզերքն իմ գրպանում

Անտեսանելի տիեզերքը



Գրաժինա Ստասինսկա
Փարիզի աստղադիտարան

Անգեն աչքով տեսանելի
Բազումք աստղախմբի
լուսանկար, որ ստացել է Ուոլի
Պաչոլկան: Հյուսիսային
Ավստրալիայի բնիկների համար
Բազումքը կենգուրուների խումբ
է, որոնց հետապնդում է դինգո
շների ոհմակը:



Գալիլեո Գալիլեյը Վենետիկի
դոջին բացատրում է, թե
ինչպես պետք է օգտագործել
իր աստղադիտակը (Ջուզեպե
Բերտինիի որմնանկարը):



Գալիլեյոյի
սկարած
Բազումքը,
ինչպես այն երևում էր նրա
աստղադիտակով, որտեղ

աստղանիշերով պատկերված են անգեն աչքով
չերևացող աստղերը:.

Օրիոնի միգամածության
առաջին լուսանկարը, որ
1980 թ. ստացել է Հենրի
Դրեյֆերը 28սմ տրամագծով
աստղադիտակով՝ 50 րոպե
պահաժամով:



Չնագույն ժամանակներում Տիեզերքի մասին գիտելիքները սահմանափակվում էին այն ամենով, ինչ կարող էր տեսնել մարդու անզեն աչքը: Տիեզերքի այս պատկերը լրացնում էին առասպելներն ու դիցաբանությունը:

17-րդ դարի սկզբին ստեղծված առաջին աստղադիտակը աստղագետներին թույլ տվեց տեսնել անզեն աչքով տեսանելի ամենաթույլ աստղերից մի քանի անգամ ավելի թույլ օբյեկտներ, : Չարյուրավոր աստղեր հայտնագործվեցին և բազմաթիվ միգամածություններ տեսանելի դարձան:

19-րդ դարի վերջին աստղագիտական լուսանկարչությունը թույլ տվեց ավելի խորը ուսումնասիրել տիեզերքը: Կարելի էր մի քանի ժամ աստղադիտակով հետևել օբյեկտին և նրա լույսը գրանցել լուսանկարչական թիթեղի վրա: Այս կերպ կարելի էր արձանագրել մոլորակների մանրամասները և բազմաթիվ միգամած օբյեկտներ:




Նյուտոնը անցք էր արել լուսամուտի փեղկին և արևի շողը զգեց ապակյա պրիզմայի վրա:

Նա պրիզմայով անցած լույսը ուղղել էր սպիտակ պաստառի վրա, որը ցույց էր տվել ծիածանի գեղեցիկ գույներ: Պաստառի առջև դնելով երկրորդ պրիզման և փոփոխելով դրա անկյունը, նա ի մի էր հավաքել գույները, նորից ստանալով արևի սպիտակ լույսը:



Միզամածության առաջին սպեկտրը, որը 1860թ. ստացել էր

Ջագինսը: Այն ցույց է տալիս երեք պայծառ գիծ:



Մեկ այլ միզամածության սպեկտր, որը

ստացել է Էդվին Ջաբլը 1920-ականներին: Այն երևում է աստղային սպեկտրի պայծառ հենքին վերադրված: Դա նշանակում է, որ այս «միզամածությունը» բաղկացած է ոչ թե գազից, այլ աստղերից: Այսպիսի օբյեկտները այժմ գալակտիկաներ են կոչվում:

Սպեկտրադիտման սկիզբը


1665 թ. Իսահակ Նյուտոնը, այն մարդը, ով հետագայում հայտնագործեց ձգողության օրենքը, ցույց տվեց, որ Արեգակի լույսը կազմված է տարբեր գույներից:

Սակայն երկար տարիներ անցան մինչև աստղագետներն սկսեցին այդ փաստն օգտագործել աստղագիտական օբյեկտների առաքած լույսը հետազոտելու նպատակով:

Սպեկտրը, ինչպես Նյուտոնն անվանեց պրիզմայով տարալուծված լույսը, մեծ քանակի տեղեկատվություն է պարունակում այն առաքող աղբյուրի կազմության, ջերմաստիճանի և խտության մասին:

Երկնային մարմինների առաջին սպեկտրներն ստացվեցին Նյուտոնի հայտնագործությունից ավելի քան 200 տարի անց:

Լույսի ամբողջ սպեկտրը



Ռենտգենյան ալիքների երկարությունն ավելի փոքր է $1/10000000000$ մետրից, իսկ ռադիոալիքներինը հասնում է 1 կմ և ավելի: Տեսանելի լույսն ընկած է 0.4-ից 0.8 $\mu\text{մ}$ տիրույթում, ինչն ամբողջ սպեկտրի աննշան մասն է:

Աստղագիտական պատկերները սովորաբար ցուցադրվում են արհեստական գույներով, որոնք սպեկտրի ոչ տեսանելի մասերը փոխարինում են տեսանելի գույներով:

Երկրի մթնոլորտը թափանցիկ է տեսանելի լույսի, ռադիոալիքների և մասնակի՝ ինֆրակարմիր ալիքների համար: Հեռավոր ինֆրակարմիր կամ ուլտրամանուշակագույն կամ ռենտգենյան ալիքներ դիտելու համար աստղագետները արբանյակներ են օգտագործում:

Անտեսանելի լույս

Լույսը, որը տեսանելի է մարդու աչքի համար, առաքման սպեկտրի շատ փոքր մասն է կազմում:

Լույսը կարող է նկարագրվել ալիքի երկարությամբ: Երկարից դեպի կարճալիք՝ լույսը կազմված է հետևյալ բաղադրիչներից.

- ռադիոալիքներ (նման մեր ռադիոների և հեռուստացույցների որսացած ալիքներին),
- մանրալիքներ (նման այն ալիքներին, որոնցով ուտելիք ենք տաքացնում մանրալիքային վառարանում),
- ինֆրակարմիր ճառագայթում (որ առաքում են տաք օբյեկտները, կարելի է տեսնել հատուկ սարքերով),
- տեսանելի լույս (արևի լույս, լամպեր),
- ուլտրամանուշակագույն (Արեգակի անտեսանելի լույսը, որն արևայրուք է առաջացնում),
- ռենտգենյան ճառագայթներ (կիրառվում է մեր ոսկորները տեսանելի դարձնելու համար).

Որքան ավելի բարձր է մարմնի ջերմաստիճանը, այնքան ավելի կարճ են դրա առաքած լույսի ալիքները:



Սոմբրերո գալակտիկան՝ հիմնականում ծեր աստղերից կազմված հսկա միջուկային բալջով և աստղերից, գազից ու փոշուց կազմված բարակ սկավառակով, զանգվածեղ գալակտիկա է: Ձախում. ԵՅԱ 1.5 մ աստղադիտակով ստացված դրա պատկերն է տեսանելի լույսում: Աջում. արհեստական գույներով համակցություն. Սպիցեր տիեզերական դիտակով ստացված ինֆրակարմիր պատկերը (կարմիր) վերադրված է Հաբլ դիտակով ստացված պատկերի (կապույտ) վրա:



Գալակտիկաների կույտ Փյունիկում: Դեղինով գալակտիկաների պատկերը վերադրված է Չանդրա դիտակով ստացված ռենտգենյան կապույտ պատկերի վրա, որն ի հայտ է բերում ավելի քան մեկ միլիոն աստիճան ջերմաստիճանով գազի ամպը:

Պատկերներ անտեսանելի լույսում

Երկնային մարմինները դիտելով «անտեսանելի» լույսում, ինչպիսիք են ռադիո և մանրալիքները, ինֆրակարմիր, ռենտգենյան և գամմա ճառագայթները, աստղագետները կարողանում են ավելի լավ հասկանալ, թե ինչից են կառուցված այդ մարմինները:


Օրինակ, աստղերը միջաստղային փոշու մասնիկները տաքացնում են ավելի քիչ, քան մարդու մարմնի ջերմությունն է: Այսպիսի սառը մարմինները ճառագայթում են հիմնականում ինֆրակարմիր տիրույթում, մինչդեռ 3,000-ից 50,000 աստիճան ջերմաստիճանով աստղերը ճառագայթում են տեսանելի տիրույթում:

Մյուս կողմից, միջաստղային, ինչպես նաև միջգալակտիկ նոսր գազը երբեմն շիկացած է լինում մինչև մի քանի միլիոն աստիճան կամ ավելի: Այն առավել պայծառ է ռենտգենյան տիրույթում:

3C273 ռադիոօբյեկտի պատկերն ստացվել է VLA դիտակով: 1963թ. Մարտին Շմիդտը ցույց է տվել, որ դրա կենտրոնում շատ հեռավոր կապույտ աստղանման օբյեկտ կա: Դա ի հայտ բերված առաջին քվազարն էր: Հաբլ տիեզերական դիտակով տեսանելի լույսում ստացված պատկերը ցույց է տալիս քվազարից մեծ արագությանը արտանետված գազի շիթ:




Հաբլ տիեզերական դիտակով տեսանելի լույսում ստացվել է IRAS արբանյակով ինֆրակարմիր ալիքներում հայտնաբերված երկու գալակտիկաների պատկերը: Ինֆրակարմիր տիրույթում դրանք 100 անգամ ավելի պայծառ են, քան տեսանելի լույսում և կոչվում են ԳՊԻԿԳ-ներ (գերպայծառ ինֆրակարմիր գալակտիկաներ): Շատ ԳՊԻԿԳ-ներ ունեն մոտ հարևան գալակտիկաներ և ցույց են տալիս փոխազդեցության նշաններ:



Հայտնագործություններ անտեսանելի լույսում

Տիեզերական որոշ օբյեկտներ բոլորովին
անհայտ էին, մինչև աստղագետները դրանք
դիտեցին «անտեսանելի լույսում» զգայուն
դիտակներով: Ծայրահեղ սառը կամ ծայրահեղ
տաք մարմինները հիմնականում ճաագայթում
են սպեկտի անտեսանելի մասում և
հայտնաբերվել են իրենց անտեսանելի լույսով:
Միայն ավելի ուշ, երբ աստղագետներն այդ
տիրույթները դիտեցին ավելի խոշոր
օպտիկական դիտակներով, որոնք ավելի շատ
լույս են հավաքում և ավելի զգայուն են, նրանք
վերջապես այդ օբյեկտները կարողացան
տեսնել տեսանելի լույսում:


Այդպիսին էին, օրինակ, քվազարները, որոնք
հայտնաբերվել էին ռադիոյում, ինչպես նաև
գամմա-առաքման աղբյուրներ պարունակող
գալակտիկաները, որոնք հայտնաբերվեցին
միայն գամմա-առաքման աղբյուրները
հայտնագործելուց հետո:



Գրավիտացիոն միրած LRG 3-757: Կապույտ օղակը՝ կենտրոնի հսկա գալակտիկայի ուղղությամբ ավելի հեռու գտնվող մեկ այլ գալակտիկայի աղավաղված պատկերն է :

Չանգվածեղ գալակտիկան ու նրա մեջ գտնվող մուլթ նյութը որպես գրավիտացիոն ոսանյակ են գործում դրա ետևում գտնվող գալակտիկայի լույսի համար: Գրավիտացիայի ազդեցությամբ լույսի կորացումը կանխագուշակել էր Այնշթայնը 1915 թվականին:

Համաձայն ներկա գնահատականների մուլթ էներգիան կազմում է Տիեզերքի 70%-ը, մուլթ նյութը՝ 25%-ը, իսկ մեզ հայտնի Տիեզերքը (գալակտիկաներն իրենց բաղադրիչներով և միջգալակտիկ միջավայրը) միայն 5%-ը:



ՄՈՒԹ ՆՅՈՒԹ և մՈՒԹ ԷՆԵՐԳԻԱ

Դիտվող Տիեզերքի որոշ բնութագրեր հուշում են, որ գոյություն ունի «մութ նյութ» կոչված՝ առայժմ չհայտնաբերված նյութի մեծ քանակ, որը տեսանելի օբյեկտների վրա ազդում է ձգողության միջոցով: Աստղագետները համակարծիք են, որ այս մութ նյութը չի կարող բաղկացած լինել ոչ փոքր աստղերից կամ մոլորակներից, ոչ մութ ամպերից, ոչ էլ սև խոռոչներից կամ հականյութից:

Չեռավոր գալակտիկաների դիտումներից հետևում է, որ Տիեզերքի ընդարձակումն արագանում է: Ըստ այսօր ընդունված բացատրության, գոյություն ունի այդ արագացումն առաջացնող Էներգիայի անհայտ տեսակ, որը կոչվել է «մութ Էներգիա»:



Այլընտրական որոշ տեսություններ չեն պահանջում մութ զանգվածի կամ մութ Էներգիայի գոյությունը, բայց դրանք պետք է կարողանան բացատրել բոլոր դիտումները, ինչպես անում է ստանդարտ տեսությունը:




Թեսթ




Այս պատկերներից
ո՞ր մեկն է
ստացված
տեսանելի լույսով:




Պատասխանները՝
հակառակ էջում



Կատվի աչք կոչվող
միլրակաձև
միգամածության
պատկերը տեսանելի
լույսում՝ ստացված Ջարլ
տիեզերական դիտակով:




M31 գալակտիկայի նկարը՝
ստացված ՆԱՍԱ-ի Սպիֆտ
տիեզերանավի
ուլտրամանուշակագույն
դիտակով




Միջաստղային ամպի
համատեղված
ինֆրակարմիր պատկեր՝
ստացված Սպիցեր
տիեզերական դիտակով:
Կարմիր հանգույցները
աստղառաջացման
գոտիներ են:

3C353



ռադիոգալակտիկայի շիթի
ռադիոպատկերը՝
ստացված VLA-ով:



Գալակտիկաների Էյբլ
400 կույտի համատեղ
ռենտգենյան (կապույտ)
/ռադիո (վարդագույն)
պատկեր: Շիթը սկիզբ է
առնում կենտրոնական
ռադիոգալակտիկայի
կրկնակի միջուկից:

The Universe in my pocket No. 2

Այս գրքուկը գրել է Գրաժինա Ստասինսկան Փարիզի աստղադիտարանից (Ֆրանսիա) 2017 թվականին և թարգմանել է Հայկ Հարությունյանը Բյուրականի աստղադիտարանից (Հայաստան):

Շապիկին պատկերված է Չանդրա դիտակով ռենտգենյան տիրույթում ստացված խոր դաշտի մի մասը: Այն պատկերում է հարյուրավոր քվադրանտեր, որոնք գնվում են մինչև 12 միլիարդ լուսատարի հեռավորության վրա:

Այս գրքուկի պատկերները հիմնականում ստացվել են Հաբլ, Սպիցեր և Չանդրա տիեզերական դիտակներով և Շատ մեծ մակերեսով (VLA) ռադիոդիտակով:



Այս շարքի և այս գրքուկում
ներկայացված նյութի մասին ավելին
իմանալու համար կարող եք այցելել
<http://www.tuimp.org>

